



**82**  
**G**ot muog geschaiden. Es ist  
von dñm sachen dz dñ sel nie  
mer von **G**ot geschaidē mag.  
**E**s ist och von nature vñd  
von gnaden. vñ von stōden.  
**D**u erst ist von nature wō  
swa sich dz gaischlich dinge  
zū ainem male hin keret da  
ist es iem hin keret. Dz mag  
man wol merken an den en  
geln. die da nit vielent die  
kerent sich als gantzlich  
zū **G**otte. dz nit an in was  
won dz sich an in kerte. vñ  
kerent sich als gar von al  
len dingen. dz si mit enkain  
ding enkain geschäft hat  
won mit **G**otte. vñ also si  
**G**ot kerte do er si geschvōk.  
also sint si iem me gekeret.  
vñ ab die engel die da vie  
lent die kerent sich als  
gantzlich von **G**otte. das  
nit an inen wz won das  
sich von im kerte. vñd ker  
tent sich als gantzlich vō  
im dz si ankain geschäfte  
mit im hant. **G**aischlich vñ  
nature ist also. swa si bi dē

ersten hin wut lekeret. da ist  
si iemer hin lekeret. won si  
keret sich als gantzlich. swa  
si sich hin kert. dz nit an ir le  
lilet. wan dz sich dēne keret.  
vñ da von won vñs **G**ot von  
zwa in naturen hat ze same  
gefōget. von gaischlicher na  
ture. vñ von flaischlich natu  
re. won d lib ist von flaischli  
ch nature. vñ da von sint wir  
vñstāte. so wir hvt gvt sint.  
so sint wir morn löse. vñd so  
wir hvt lös sint. so sint wir  
morn gvt. hvt miment wir  
**G**ot vil morn miment wir in  
klein. vñ so dñ sele vñ dz hze  
sich kert zū **G**ot. so ist noch  
me an vñs. dz sich von vñs  
keret. dz ist der lib. won dñ se  
le wil allweg zū **G**ot. so zūhet  
ab der lib allweg her wider.  
vñ da von muogent wir nit  
stāte sin. vñ so aber dñ sele  
zū **G**otte komet in hymetri  
che. wan si dēn gar gaisch  
lich ist. so kert si sich zū **G**ot.  
als gantzlich. dz si sich nie  
mer von im geschaidē mag.